

(<https://news.usm.my>)

Berita Mutakhir ▾

17 DECEMBER USAHA MELESTARI KESENIAN ISLAM

PULAU PINANG, 17 Disember 2015 - Usaha-usaha untuk melestarikan kesenian Islam yang telah lama berkembang dalam masyarakat perlu dilakukan dengan serius dalam membentuk jati diri bangsa.

Pusat Pengajian Ilmu Kemanusiaan Universiti Sains Malaysia (USM) misalnya komited untuk membawa usaha ini secara ilmiah termasuk melalui penerbitan.

Dekannya Profesor Madya Dr. Hajar Abdul Rahim berkata, pihaknya akan meneruskan usaha ini yang perlu dimajukan di peringkat antarabangsa.

Berucap merasmikan Bicara Hadrah & Seni Puisi Islam di sini, Hajar berkata persembahan seni warisan tempatan seperti hadrah dan maulud jawi perlu dipertahankan malah dilestarikan untuk generasi yang akan datang.

Pengerusi Lembaga Pengelola Dewan Bahasa dan Pustaka (DBP) Profesor Dato' Seri Dr. Md. Salleh Yaapar yang juga penggerusi acara ini dalam ucapan utamanya berkata, seni kesenian Islam seperti Maulud Rawi dan hadrah sememangnya menjadi sebahagian dari warisan Pulau Pinang.

"Maulud Rawi yang menjadi budaya yang dilakukan oleh wanita di Seberang Prai misalnya dilakukan semasa menyambut Maulidur Rasul yang mengetengahkan semangat cintakan Rasulullah SAW yang semakin hilang," kata Md. Salleh.

Antara pembentang ialah para pakar kesusasteraan di Pusat Pengajian Ilmu Kemanusiaan seperti Dr. Mohamad Luthfi Abdul Rahman, Profesor Dr. Jelani Harun, Profesor Madya Dr. Rahimah A. Hamid dan Profesor Dr. Sohaimi Abdul Aziz.

Turut dibincangkan ialah bagaimana kesenian-kesenian warisan Islam ini dapat dilestarikan dan diberikan nilai komersil dalam bentuknya yang asli dan melihat kepada penejarahannya sebagai tarikan untuk pelancong dan usaha-usaha lain termasuk keprihatinan oleh pihak berkuasa dalam hal kesenian dan kebudayaan dalam usaha memaju dan mengekalkannya dalam jangka panjang.

Kira-kira 100 orang peserta turut disajikan dengan persembahan berzanji oleh kumpulan dari USM serta persembahan hadrah oleh kumpulan yang dibawa khas dari negeri Perlis yang masih mempertahankan seni persembahan ini.



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015